

16/04/2002

Malaysia berperanan aktif baiki struktur pentadbiran OIC

MALAYSIA yang mengetuai Jawatankuasa Pengstrukturian Sekretariat Pertubuhan Persidangan Islam (OIC) sedang aktif memberi sumbangan idea dan kepakaran untuk memperbaiki struktur pentadbiran pertubuhan itu.

Timbalan Menteri Pendidikan Datuk Abdul Aziz Shamsuddin berkata, Malaysia yang diberi mandat sejak Jun tahun lalu akan menyempurnakan tugasnya sebelum menjadi tuan rumah Sidang Kemuncak OIC ke-10 pada 23 hingga 25 Oktober 2003, di Kuala Lumpur.

"Perdana Menteri (Datuk Seri Dr Mahathir Mohamad) selaku pemimpin yang berwibawa yang akan menjadi pengerusi Sidang Kemuncak ke-10 OIC akan dapat membuat beberapa perubahan untuk membawa OIC ke mercu kejayaan," katanya ketika menggulung perbahasan usul terima kasih titah ucapan Yang di-Pertuan Agong bagi pihak Kementerian Luar.

Malaysia akan menjadi pengerusi Sidang Kemuncak Negara-negara Islam pada tahun 2003 hingga 2006.

(END)